

第一五〇冊

方輿彙編

職方典

安陸府部

二五—二四六
(卷)

古今圖書集成

中華書局影印

欽定古今圖書集成方輿彙編職方典

第一千一百三十五卷目錄

安陸府部彙考一

安陸府建置沿革考

安陸府疆域考

有圖 形勝附

安陸府星野考

職方典第一千一百三十五卷

安陸府部彙考一

安陸府建置沿革考

本府

府志

禹貢荊州之域漢濱之地跨潯沔雲夢滄浪三
滋諸數澤三代以來如權國卽今荆門當陽如
鄖子國卽竟陵雲杜總隸荊州周成王封熊繹
于荆其後都郢更名楚相傳南郡江陵有楚都
舊址蓋皆荆之封壤春秋爲郢都戰國曰郢中
秦置南郡改郢都爲郢縣漢分南郡置江夏郡
以臨沮當陽編都屬南郡竟陵雲杜屬江夏郡
魏改臨沮屬襄陽郡晉初編都當陽郡縣屬南
郡雲杜竟陵南新市屬江夏郡太康九年分江
夏西界立竟陵郡領長壽竟陵新市雲城雲杜
治石城隆安五年以沮漳降蠻立武寧郡樂鄉
長林二縣又立長寧郡後又改長寧郡爲永寧
郡領長寧縣南宋立馮翊郡領蓮勺高陸都縣
又以竟陵郡屬郢州齊以臨沮當陽編都屬南

郡竟陵雲杜雲城長壽新市屬竟陵郡新市又
與新陽屬安陸郡編都新陽又屬懷化郡新市
新陽又與武寧屬武寧郡梁立北新州及梁寧
郡領長壽縣竟陵郡領梁安縣武寧郡領縣如
舊安陸郡領南新市及新陽縣建安郡領雲城
縣又置安居縣沔陽郡西魏置郢州基州及章
山郡上黃郡以長壽隸安州改馮翊郡爲漢東
郡連勺縣爲藍水縣高陸縣爲淩水縣北新州
曰溫州新陽曰角陵南新市曰富水又置盤陵
縣而省州陵惠懷二縣置縣曰建興改竟陵縣
曰雲城置竟陵郡後周分置石城郡又置平州
領漳州安遠二郡屬梁蕃于建興置復州雲城
復曰竟陵後於石城置郢州廢竟陵郡保定中
新州梁寧等郡廢入竟陵郡隋開皇元年廢石
城安陸馮翊三郡於竟陵縣置復州後徙治沔
陽七年改平州爲玉州九年廢漳州安遠武寧
緣麻及玉州十三年省長林縣入長寧縣十八
年復長林屬南郡廢長寧改安居曰昭丘仁壽
三年復州復治建興大業元年復置竟陵郡省
淩水入藍水廢溫州改角陵曰京山廢盤陵入
焉改昭丘曰荆臺尋廢入當陽廢復州置沔陽
郡唐初移復州治竟陵武德四年以京山富水
復置溫州于長林東境立基州並置章山縣復
置平州並析置臨沮縣以樂鄉置郢州五年改
沔陽郡爲復州六年改平州爲玉州七年廢基
州以漳山隸郢州八年省漳山入長林廢玉州
省臨沮以當陽縣屬江陵貞觀元年廢郢州以

長壽隸郢州漳山屬江陵郡以郢州領長壽
上洪又省藍水縣太昌七年徙沔陽郡治海陽
鎮八年廢郢州置長壽縣樂鄉隸溫州十
年復置郢州治郢山廢溫州而以京山富水
焉後改富水郡文寶元年更沔陽郡爲竟陵郡
乾元元年復改富水郡爲郢州遷治長壽又改
復州爲竟陵郡寶應二年竟陵郡復治竟陵縣
貞元二十一年析長林縣置荆門縣大和中
征科巡院于白沙白汭後晉天福元年改竟陵
曰景陵高季昌建荆門縣爲荆門軍治當陽等
省宋乾德二年並富水縣入京山縣三年改白
汭院爲潛江縣白沙院爲玉沙縣皆屬江陵府
開寶五年復置荆門軍領長林當陽二縣徙治
長林至道二年以玉沙縣屬景陵郡寶元二年
廢沔陽爲鎮井入玉沙縣寧六年廢復州以景
陵縣屬安州併入玉沙廢荆門軍以荆門縣復
隸江陵府元祐元年復置復州及玉沙縣而以
玉沙景陵隸復州三年復置荆門軍建炎十四
年廢當陽縣入長林縣十六年復置當陽屬復
州端平三年復州玉沙縣併徙沔陽荆門軍治
當陽縣元至元十二年改復州爲復州路十四
年改荆門軍爲荆門府十五年改郢州爲安陸
府領長壽縣隸河南行省移荆門府治古城領
長林當陽二縣十六年改復州路爲沔陽府領
玉沙景陵二縣隸河南行省天曆元年改荆門
府爲荆門州明洪武八年改安陸府爲安陸州
領京山縣以長壽縣省入直隸湖廣布政司九

年改沔陽府爲沔陽州並入玉沙領景陵縣直隸湖廣布政司十年省當陽縣入荊門州並潛江縣屬荊州十三年復置當陽仍屬荊州府嘉靖十年以舊邸在安陸州改爲承天府設鍾祥縣附郭仍與京山並割荊州府之潛江縣荊門州當陽縣及沔陽州景陵縣皆增屬隸湖廣布政司

皇清順治二年改承天府爲安陸府所屬州縣名號仍舊制

鍾祥縣

春秋戰國郊郭之地屬楚曰郢中秦併天下分荊州屬南郡即今江陵縣漢爲雲杜地屬江夏郡地即今武昌三國魏曰郢州晉初屬江夏郡元康九年分江夏西界立竟陵郡即今景陵縣置長壽縣宋齊仍爲長壽縣屬竟陵郡梁立北新州遺址在京山東北置梁寧郡領長壽縣西魏以長壽改屬安州今德安府後周分置石城郡後於石城置郢州隋開皇初郡廢大業初復置竟陵郡唐復立郢州治長壽縣貞觀元年州廢以長壽縣隸都州十七年復置郢州治京山後改富水郡乾元初復改富水郡爲郢州還治長壽梁唐晉漢因之後周廢富水入京山宋爲郢州富水郡防禦屬京西南路元至元十五年改郢州爲安陸府領長壽縣隸河南行省明初因之洪武八年改安陸府爲安陸州領京山縣以長壽縣省入今之元佑官即其基也嘉靖十年改安陸州爲承天府設鍾祥縣附郭十八年

巡撫都御史陸本巡按監察都史姚虞又奏制荊門州之馬良望鄉來屬

皇清順治三年改承天府爲安陸府鍾祥縣仍附郭隸湖廣布政司分隸荆西道

京山縣

漢雲杜安陸二縣地東漢爲雲杜南新市二縣境晉屬竟陵郡宋齊因之梁立北新州置安陸郡領南新市及新陽縣西魏改北新州曰溫州新陽曰角陵改南新市爲富水縣又置盤陵縣隋開皇初郡廢大業初州廢改角陵曰京山廢盤陵入焉唐初屬安州武德四年以京山富水復置溫州貞觀十七年州廢二縣皆屬郢州宋乾德二年廢富水入京山元因之屬安陸府隸荆湖北道兵亂移治漢濱至元十二年還舊治明因之屬安陸州嘉靖十年改州爲承天府皇清順治三年改承天府爲安陸府縣仍屬焉按縣志周戰方皆荊州之域周爲雲子之國在楚爲郊郭秦爲南郡地漢爲江夏郡之雲杜安陸二縣境後漢分安陸立新市縣屬江夏之竟陵魏因之晉初亦爲江夏郡之雲杜南新市之疆城惠帝時二縣分屬竟陵郡齊又分新市新陽別屬安陸郡梁普通末乃以爲新州即梁寧郡治所西魏以爲溫州又改新陽曰角陵改南新市爲富水郡仍以縣屬焉周因之隋初郡廢縣屬安陸省盤陵縣改角陵曰京山大業初以京山富水屬安陸郡唐武德初以京山富水隸安州四年又以二縣屬溫州貞觀十七年廢溫

州京山富水屬郢州五代仍唐制

潛江縣

禹貢荊州之域虞夏時貢道也禹貢浮於江沱潛漢逾於洛至於南河秦併天下分荊州置南郡漢又分南郡置江夏郡潛江江陵地屬南郡爾雅水自漢出爲潛蓋漢水自鍾祥北三十里分流爲蘆泚河逕縣東南復入於漢故名唐大中間置征科巡院於白泚屬荊南節度使五代高季昌據荊南治漢梁隄以防水患改設安遠鎮宋乾德初改安遠鎮爲潛江縣屬荊湖北路元改江陵府爲中興路領潛江世祖至元二十七年隄決遷治于斗隄後爲僞漢所據明洪武元年改中興路爲荊州府潛江隸之嘉靖十年改安陸州爲承天府割潛江屬之皇清改承天府爲安陸府縣仍屬焉

沔陽州

春秋爲楚地秦屬南郡二漢爲南郡江夏二郡地晉分置竟陵郡宋齊因之梁置沔陽郡西魏省州陵惠懷二縣置縣曰建興後周置復州隋煬帝初州廢置沔陽郡唐武德五年改爲復州移治沔陽乾元初又改復州曰竟陵郡宋初因之乾德二年以白沙院爲玉沙縣屬江陵府至道三年以玉沙縣來屬領縣二寶元二年廢沔陽爲鎮併其地入玉沙縣寧平六年州廢以景陵縣隸安州玉沙亦廢爲鎮屬監利元祐元年復置復州及玉沙縣仍屬復州端平三年復州景陵併徙治于沔陽鎮以玉沙爲附郭元至元十

二年改爲復州路十六年陞爲沔陽府領玉沙
景陵二縣隸河南行省明初因之洪武九年改
爲沔陽州並入玉沙縣直隸湖廣布政使司編
戶四十里領景陵一縣嘉靖十年陞安陸州爲
承天府割沔陽隸仍領景陵縣

皇清改承天府爲安陸府州仍屬

按州志秦郡縣天下置南郡沔爲南郡地漢更
置江夏郡竟陵爲縣西北爲雲杜縣沔爲雲杜
地王莽改景陵曰守平東漢竟陵雲杜如漢制
晉初竟陵雲杜亦如漢制元康九年分江夏西
部都尉置竟陵郡治石城領縣六長壽竟陵新
市霄城新陽雲杜南宋初竟陵郡屬荊州孝建
元年屬郢州領縣同晉梁武帝分竟陵郡置沔
陽郡西魏省州陵惠懷二縣置縣曰建興改竟
陵曰霄城後周置復州取復池湖爲名治建興
又省營陽州城二郡入建興復以霄城爲竟陵
隋文帝開皇間徙復州治竟陵煬帝大業初改
沔州又改建興曰沔陽尋復沔陽郡統縣五沔
陽監利竟陵觀山漢陽唐武德五年改復州屬
山南道領縣三沔陽竟陵監利是年徙復州治
竟陵貞觀七年仍徙治沔陽天寶元年改竟陵
郡乾元元年改復州寶應二年徙治竟陵後梁
復州曰武威以監利入江陵府開平四年分漢
江南爲白沙微科院屬江陵玉沙始此晉天福
元年改復州曰竟陵郡竟陵曰景陵縣周改沔
州宋建隆三年改復州曰景陵郡領縣二景陵
沔陽乾德以後同府志

景陵縣

古鄖子國地後併於楚大夫闕辛封於此秦白
起攻楚拔郢東至竟陵即此漢始置竟陵縣屬
江夏郡晉因之西魏改曰霄城置竟陵郡隋開
皇初於此置復州後徙治沔陽仁壽三年州復
徙建興唐初移復州治竟陵晉天福元年改竟
陵縣曰景陵縣宋熙寧六年隸安州元祐元年
仍隸復州端平三年縣並州徙沔陽鎮後兵亂
徙治不常元改復州路爲沔陽府縣還舊治明
初因之後改沔陽府爲沔陽州縣仍屬嘉靖十
年改屬承天府

皇清改承天府爲安陸府縣仍屬

按縣志皇古爲風氏國風氏伏羲姓也今邑有
五華山上有伏羲廟其名風氏蓋由此唐虞夏
商爲荊州之域荊州者舉其槩也古竟陵實三
渚故道禹貢嶠冢導滌東流爲漢又東爲滄浪
過三渚入於大別三渚水名三渚水在江夏郡
竟陵縣春秋爲鄖子國鄖楚屬國也國在縣中
揚水西巾水西還竟陵縣北西還揚水謂之中
口水其西有竟陵大城古鄖子國也鄖公辛所
治謂鄖國矣戰國爲竟陵地竟陵名始此秦使
白起攻楚拔郢夷陵遂東至竟陵秦拔郢至
竟陵乃南郡非北郡也楚熊繹封於荊在南郡
丹陽地楚文王都於郢在荊州江陵地是時秦
拔楚都近燒葬陳所謂南郡也今安陸府蕭梁
唐宋時俱稱鄖州去葬陵甚遠謂之北鄖秦併
天下分荊州置南郡有竟陵縣南郡由荊州分

置竟陵爲縣始此漢興高祖分南郡置江夏郡
統竟陵縣漢江夏郡在安州雲夢東南六十里
非今之沙羨地也置雲杜竟陵二縣俱屬江夏
郡江夏郡由南郡分置晉以雲杜竟陵南新市
屬江夏郡後因漢竟陵縣而屬竟陵郡元康九
年分江夏西部置竟陵郡竟陵郡又江夏分置
治石城領長壽竟陵新市霄城新陽雲杜六縣
石城在今安陸府晉羊祜鎮襄陽時所築則今
安陸亦古竟陵也又唐書樂志曰石城樂者宋
臧質所作也石城在竟陵郡宋時臧質爲竟陵
守於城上見群少歌謠作曲曰莫愁在何處莫
愁石城隈今安陸府有石城驛莫愁湖即其地
也夫晉時竟陵郡治石城領竟陵縣則景陵隸
安陸已見於此齊以竟陵雲杜霄城長壽新市
屬竟陵郡梁因之而屬沔陽郡沔陽郡由竟陵
分置胡三省釋文辨誤梁武帝置沔陽郡於竟
陵縣則今沔陽州亦古竟陵縣仍置竟陵郡梁
立竟陵郡領梁安縣建安郡領霄城縣竟陵霄
城未嘗相入也西魏改竟陵縣曰霄城仍置竟
陵郡晉元康時原有霄城縣魏或併竟陵入之
竟陵五名霄城始見於此後周復曰竟陵於建
興置復州復州名始見此霄城復曰竟陵縣後
於石城置鄖州鄖州始見此即今安陸府廢竟
陵郡保定中新州及梁寧等郡廢入竟陵郡隋
初於竟陵置復州後徙治沔陽復州由竟陵分
置縣名復州始此大業元年復置竟陵郡廢復
州置沔陽郡沔陽復州二郡互相廢置唐初移

復州治竟陵天寶元年更河陽郡爲竟陵郡乾元元年又改復州爲竟陵郡實應三年竟陵郡復治竟陵縣後晉天福元年改復州曰景陵郡竟陵曰景陵縣名景陵始此宋改竟陵郡爲復州領景陵縣至道二年以玉沙屬景陵郡熙寧六年廢復州以景陵縣隸安州宋熙寧時安州即今安陸府也舊名安陸州晉元康年石城領竟陵縣宋熙寧年景陵隸安陸州今安陸府轄景陵縣猶沿晉宋故制也元祐元年仍置復州及玉沙縣而以玉沙景陵隸復州端平中景陵縣隨復州徙河陽鎮元還舊治景陵隸復州路河陽府至元十六年改復州路爲河陽府領玉沙景陵二縣明初爲衛後廢衛爲縣洪武初年景陵爲衛三年廢景陵衛爲縣調衛金州以衛治爲縣治九年改河陽府爲河陽州領景陵縣嘉靖十二年因世廟舊邸在安陸州乃陞州爲承天府割河陽州附屬之縣隨州隸焉景陵隸河陽非古也始於至元後暨洪武初創制爾夫晉領石城宋隸安州其制可考景陵原隸安陸也萬曆末漸不相屬至天啓時知縣程維英請景陵直隸本府至今永爲定制

皇清改承天府曰安陸府縣名如故仍隸本府景陵置縣以來爲郡屬者四州屬者三府屬者二徙鎮者一隸路者一改名者三因時稱號與時推移不可不詳

荆門州

古權國漢臨沮當陽編都四縣地屬南郡魏改

臨沮屬襄陽郡晉隆安五年析置武寧郡領樂鄉長林又立長寧郡後改爲永寧領長寧縣隋開皇十一年省長林縣入長寧十八年復長林屬南郡廢長寧唐武德四年於長林縣東境立基州並置章山縣七年州廢以章山隸鄂州鄂州廢又屬江陵郡八年省章山入長林貞元二十一年析長林置荆門縣五代高季昌建荆門縣爲荆門軍治當陽宋開寶五年復置軍治徙長林熙寧六年軍廢縣復隸江陵府元祐三年復爲軍端平三年又徙治當陽元至十四年改爲府十五年移治古城天曆初改爲州明初因之洪武中以長林縣省入領當陽屬荆門府嘉靖十年改屬承天府仍領當陽

皇清改承天府爲安陸府州仍屬焉

按州志州於春秋戰國爲荆於秦漢爲南郡爲編都於魏立荆州於吳立江陵於晉爲樂鄉爲武寧爲長寧又爲長林以其地有櫟林拱木隱天蔽日也隋唐又析爲基州及章山縣以房元齡父彥謙爲基州行軍司馬又爲玉州以卞和得玉於荆山也又爲荆門以有東堡西堡兩山相對其勢如門也五代爲荆門軍宋初爲荆門鎮後復爲荆門軍又廢荆門軍爲荆門縣元立爲縣又復爲州又爲長林縣明洪武爲荆門州編戶六十九里屬荆州府故明嘉靖以典獻王封於安陸入繼大統遂改安陸爲承天府而以荆門屬之

當陽縣

漢舊縣屬南郡左傳楚攻王師於漳澨即此宋齊因之梁又置安居縣後周置平州領漳川安遠二郡隋開皇七年改平州爲玉州九年州郡並廢十八年改安居曰昭丘大業初改曰荆臺尋廢入唐武德四年復置平州並析置臨沮縣六年改爲玉州八年廢省臨沮以縣屬江陵高季昌置荆門軍於此宋開寶五年縣自江陵來屬荆門軍熙寧六年軍廢縣復隸江陵府元祐三年復置軍端平三年軍移治此紹興十四年廢縣入長林十六年縣復置元因之明初屬荆門府後改屬荆門州洪武十年省入荆門州十三年縣復置仍屬州嘉靖十年改屬承天府

皇清改承天府爲安陸府縣仍屬焉

按縣志成周時有權國蓋今邑分土之始惠王元年楚克權遷於那處杜預左傳註權國在南郡當陽縣桑欽水經沔水自荆城東南流逕當陽縣章山東右會權口鄧道元註章山卽禹貢內方山權水出章山東南流逕權城北古之權國也東南有那口城權水又東入於沔內方在荆門州東南晉隆安以前尚屬當陽以楚嘗封越章王於此因稱章山唐司馬承禎煉丹於此又稱曰馬仙山泰爲郡縣地漢初爲南郡江陵地景帝析江陵地置當陽縣屬南郡三國蜀以編都地爲荆州領當陽時吳策荆州魏表孫權領荆州收又於襄郡置南荆州蓋有三荆州云魏取編都當陽屬南荆州晉隆安五年析當陽及編縣地置長林縣此爲荆門州之始荆門之

名始於唐末立武寧郡領之梁析當陽地置安居縣時爲西魏通遠郡江陵故取此名此爲荆臺鄉之始西魏析當陽地置綠林縣立上黃郡領之別立章山郡於漢水東後周以當陽及編縣地置平州領漳川遠安二郡隋開皇七年改平州曰玉州屬荊州總督府九年廢玉州及所領二郡改綠林曰章山十八年改安居曰昭丘大業元年改昭丘曰荆臺今有荆臺鄉尋廢入當陽縣屬南郡唐武德四年以章山縣屬基州復置平州在臨沮境初爲平縣六年改玉州八年州廢以當陽縣屬江陵郡貞元二十一年以當陽併入荆門縣屬江陵府後晉天福元年荆南節度使高季昌以荆門縣爲荆門軍移治當陽宋開寶五年復置當陽縣屬荆門軍熙寧六年廢荆門軍仍以當陽縣爲荆門縣屬江陵府元祐三年復於長林縣置荆門軍領之紹興十四年廢荆門縣徙長林縣治當陽十六年復置當陽縣屬復州今沔陽州端平三年徙荆門軍治當陽元仍置當陽縣屬荆門府至元十五年移府治於古城明洪武初徙縣治方城屬荊州四年復舊治改屬荊門州十年省縣入州十三年仍置當陽縣屬本州嘉靖十年改安陸州爲承天府當陽隨本州隸焉

安陸府疆域圖



安陸府疆域考

府縣志合載

本府 領縣 附郭

東至本府京山縣百五十里

西至本府荊門州九十里

南至本府潛江縣二百一十里

北至襄陽府宜城縣百八十里

東南至本府景陵縣百六十里

西南至荊州府江陵縣二百七十里

東北至德安府隨州三百里

西北至襄陽府南漳縣三百里

東西延一百二十里南北袤三百一十里去省城西北五百七十里自縣治達

京師三千二百里

京山縣

東至楊家河德安府界一百二十里

西至盤石嶺鍾祥縣界一百一十五里

南至橫官路景陵縣界六十里

北至漢東橋隨州界一百二十五里

東南至景陵縣九十里

西南至荊門州二百五十里

西北至棗陽縣三百三十里

東北至德安府一百八十里

自縣治至省會陸路五百七十里水路八百六十里至

京師陸路二千七百里水路六千七百七十里

東西廣二百五十五里南北袤一百八十里

潛江縣

東至沔陽州之上西湖二十里
西至江陵縣之三湖一百二十里
南至監利縣之蘇湖八十里
北至京山縣之四汊湖六十里
沔陽州
東至漢川縣界
西至潛江縣界
南至監利縣界
北至景陵縣界
景陵縣
東至漢陽府漢川縣界城隍臺九十里至漢川縣治二百里
西至本府界小河口九十里至府城二百三十里
南至沔陽州界劉河驛九十里至州治一百八十里
北至本府京山縣界淶水堰六十里至京山縣治九十里
西南至潛江縣一百二十里
西北至本府二百二十里
自縣治至本省三百一十里至京師六千三百五十五里
廣一百七十里袤一百八十里
荊門州
東抵本府界原係九十里因撥補鍾祥縣後抵鍾祥止十五里為鋪二
西抵當陽縣界五十里為鋪三

南抵江陵縣界一百八十里為鋪十三
北抵宜城縣界一百八十里為鋪十二
東南至沙洋抵漢水一百二十里為鋪二
西北抵南漳界二百二十里
自州治至本府九十里至省城陸路六百六十里水路八百二十里至
京師陸路三千二百里水路六千七百里
當陽縣
東至荊門州界界七十里至州治一百二十里
西至彝陵州土溪界七十里至州治一百五十里
南至枝江縣施春坪六十里至縣治一百八十里
北至遠安縣之深水橋八十里至縣治七十里
南至荊州府一百五十里
西南至宜都縣二百一十里
西北至南漳之趙家河一百八十里
自縣治至本府二百一十里至省城水路九百五十里陸路九百九十里
京師水路六千一百三十里陸路三千六百八十里
廣袤皆一百五十里
形勝附
本府據前縣界
楚辭南郡之邑沅湘之間
唐劉丹記西浮江漢東馳京嶺

風土考古記舟車往來水陸之衝
郡志上接漢江下通湘水
富水志東走江淮西通梁漢
宋朱昂賽廣澤廟序襟帶隨郢腹背吳楚地窪而卑水漾而潯
復州廳壁記地濱江漢之姑
輿地紀勝惟茲七澤之南實在重湖之右
京山縣
縣居衆山之中路逕崎嶇東西北三路皆不通舟楫惟縣南小河名縣河春夏水溢可通景陵萬臺湖入漢江形勢最為險隘
潛江縣
西扼巴蜀之喉北枕襄郢之臂南互洞庭之險東連江漢之會三國關羽屯兵於俞潭元季姜珣竊據於縣郭胡文定曰欲固上流必保漢沔矧夫湖陂吞納一華四通荊荊等輦突圍倏散此亦形勝之最險者也
沔陽州
州志川澤之區
宋朱昂序環城皆水因河為池
景陵縣
古今傳形若螃蟹
張允之焦侯德政頌夢澤之南江流襄漢是為景陵東盡滄浪
魯鐸記景陵為古荊州之城間平雲夢之澤襟帶義河三澤在其南沱潛在其西實亦江漢下流也

荊門州

古記楚國山水之富在大江之南而江北翠嶺清流表裏城郭莫如荊門

荊門軍記西控巴峽扼其咽喉東連鄢郢為之襟帶

張師中鼓角樓記環列重山帶繞大澤距江陵以抵漢水挾鄢郢而控巴蜀

圖經俯雲夢連巫峽據襄漢之沮通沮漳之利宋陸九淵荊門軍記居江漢之間為四集之地

朱震雙泉詩控扼要衝冠帶險阻當陽縣

本邑地勢西高東下勢若建瓴扼巴蜀之吭拊江陵之背以襄陽為藩垣以長林為唇齒蓋自昔四戰之地云

安陸府星野考

府志

府總

春秋元命苞軫星散為荊州江夏入軫十二度史記天官書二十八舍主十二州吳楚之疆候

在熒惑占於烏衡烏衡柳星也石氏星經南宮赤帝其精朱烏翼翻軫尾皆嚴

於已在天北斗二星主楚分

皇甫謐帝王世紀自張十八度至軫十一度曰鶉尾之次於辰在已謂之大荒落於律為夷則

斗建在申今為楚國分野

晉天文志翼軫楚荊州江夏入翼十二度

新唐書布太微之政而在異維外者鶉尾也為烈山氏之墟

宋天文志三台下星主荊州天市西垣第二星曰楚五車中央星曰司空主鎮星楚

欽定古今圖書集成方輿彙編職方典

第一千一百三十六卷目錄

安陸府部彙考二

安陸府山川考一

職方典第一千一百三十六卷

安陸府部彙考二

安陸府山川考一

本府

府縣志合載

城子山 在府城東百里隨州大洪山之南絕頂方池數頃清澈異常四面懸巖峭壁惟一運可登上有古城
黃仙洞山 在府城東百里昔黃石公憩此因名即敷水發源處洞內豁然明曠有龍潭深不可測鄴道元注潰水云洪山下有石門幽穴潛遠即其處也洞外一石壁立高五尺許上書胡少際少溢於此飲水三句胡不詳何代人其字皆以手畫隨石形高下而指絡之跡宛然如新龍爬山 在府城北二十里有龍爬痕
純德山 在縣東十里許舊名松林山按明一統志即明睿宗顯陵也隱隱隆隆盤磅鬱葱是莫陵宮肇錫嘉名是日純德
章山 在府治南半里西魏平漢東立基州仍

統章山即此

楠木山 在府治東一名武陵楚武王伐隨出師自丹陽心蕩至楠木下而卒即此山有楚武王廟

從姑山 在府城內不甚高昔多茂樹明睿宗嘗登眺其上製漢江賦

清平山 在縣東南二十里岳懷王景寧公主二墓在焉

寶鶴山 在縣東南二十里鄧靖王墓在焉

瑜靈山 在縣東南三十里梁莊王墓在焉

界山 在府城東北一百五十里接隨州界

花山 在府城東一百里舊傳靈濟祖師過此時百草開花故名

焦山 在府城北九十里

鷄籠山 在郡東百里高數百仞與焦山對峙山勢秀麗周環二十里四面俱山八峰環抱而此峰居中

側山 在縣北一百一十里

周家山 在縣北百五十里

龜山 在縣東六十里

子母山 在縣北百里
石羊山 在縣東北四十里
馬頭山 在縣東北百里山形似馬頭故名
火龍山 在縣東南三十里
平頂山 在縣東郭外七里
聊屈山 在縣東七十里突起縣城東南縣互數十里巉出郭門望之如雲嵯峨聳秀上有白

鹿池天旱不涸下有龍窟四時水清如注

鷹嘴山 在縣東五十里一巖懸出如鷹嘴狀

扁山 在縣東北百里

九華山 在縣北百里數峯高聳如九華因名

歐家山 在縣東北百二十里

翠屏山 在縣東六十里山勢壁立春夏翠屏千尺因名山腰有翠屏庵清泉繞庵而下灌田百畝又名萬壽山

龍鳳山 在縣東五十里山頂可窺漢江

屏風山 在漢江西六十里絕頂平衍中有兩泉宋開禧間郡守李直炳徙居於此

三尖山 在縣漢江西三十里三峰插天望長江如帶上有祖師行宮朝謁甚衆

內方山 在漢江上郡城西七十里即禹貢所謂內方一名章山一名馬良山三國馬良兄弟五人居此並有才名諺云馬氏五常白眉最良又名馬仙山唐司馬子微煉丹于此

撞鐘山 在縣漢江西四十里

鹽山 在縣漢江西二十里

關門山 在縣漢江西三十五里

鶴子山 在縣漢江西二十里
黃泉洞山 在府城東八十里山有黃泉洞
仙澤山 在府治北百里高數百仞下有洞
獅子山 象山 俱在府北百里仙澤口二山對峙若二獸踞踞水中鎖住水口爲郡城之鎖稱奇勝云
白水巖 在鍾祥鷄籠山南洞壑壑拔有泉從

巖上飛瀑如練

孤樓巖 在郡城八十里巖懸數十丈樓構其上攀援而登四山峭壁如削巖下有龍潭春正月後巖響動如地震狀皆龍出入也又有水乳滴成石佛像鬚眉宛然巖北有雷打石相傳山麓有寺一夜風雨大作雷劈半山壁之今陰雨夜尚聞鏡吹聲

盤石嶺 在縣東三十五里有上盤石中盤石下盤石言其石路盤迴故名

九龍岡 在縣東三里

太子岡 在縣漢江西八十里元文宗自潛邸歸即位常住此岡故名

陽明洞 在鷄籠山北門如城中有石屏洞門外石峰如笋

仙人洞 在郡東北有石牀石枕深不可測可避亂

龜洞 在聊屈山下有潭稱龍窩水清如注鱗雨輒應

華嚴洞 在郡東七十里成化初山崩洞見土人于其地得古佛一尊因石巖空曠成殿刻佛像于中洞在巖旁極深杳相傳有人乘炬而入行數里阻水隔岸似有人聲懼而出

丘公塋 在龍爬山南十里明善化公主墓在焉

溫峽口 在縣東七十里兩山對峙東山諸水俱由此出

蕙潭口 在縣東北九十里內有龍潭水於此

口出

虎峪口 在縣東北七十里九華山荀家峪諸山水合流於此出直河

漢江 在縣西五里按水經沔水自武都至樂城稱沔渡口至姚方稱漢襄陽至沙羨又稱沔其實一水也今郢城上溯宜城下至沔陽東岸

運鍾京景三縣西岸運鍾荆沔沔四州縣境沔水逕故都縣南入境今荆門界漢江北有縣故基南岸有石崖俗名石梁山山上有臺即水經

所謂南臨沔沔津南有石山上有古烽火臺縣北有大城楚昭王為吳所迫絕郢徙都者也豐樂河注之又南經石城即郡城又南十里為刷馬灘南與白水合東南流逕內方山東又東會

權口即古之權國也東南與陽口合逕古雲杜縣東夏水從西來注之又東逕左桑又東合區亮水口又東得合驛口又東謂之橫桑又東謂

鄭潭又東得斷沔又東與力口合出境至漢陽入於大江

敷水 在縣東百里源出黃仙洞西流合枝水逕洋梓河殷家河直河注於漢實曰敷

枝水 在縣東北出橫嶺西北流逕古都縣界西南逕秋城西南左注敷水

白水 源出聊屈山下合湓水注於沔魯定公四年吳師入郢昭王奔隨濟於成曰謂此水也

權水 源出西蒙諸山逕太子岡會流為曹將軍港逕內方山東南流逕古權國城東南有那城又東入於漢

直河 在府城北一十五里其水直注于大江俗訛直為池故又名池河

豐樂河 在府城北一百里灌田甚廣歲賴以豐

龍母湖 在府治南三十里水溢通漢江舊傳嘗有龍馳驚于湖名龍驚湖俗訛驚為母

鞭屍灘 在漢江濱伍負鞭楚平王屍處刷馬灘 在漢江南一十五里舊傳關羽嘗刷馬于此故名

金港 在府城南源出楠木山流一里入漢江宋時嘗於此披沙求金今湮塞為民居

龍鳳港 在府城南四十里本漢江支流舊傳楚王嘗乘綵舫載嬪御往來游戲于此

東港 在縣南隄內五十里黃泥港 在縣東十五里

沙港 在縣南五十里冷水港 在縣江西三十里

唐港 在縣西三十里九渡港 在漢江西北四十里

洗羅陂 在府城北三十里竹篠陂 在府城南四十里

五龍堰 在府城南二十里漚田數百頃蓮花堰 在府城北三十里

插屏堰 在府城南四十里龜鶴池 在府治南漢梅福養龜鶴之所

鹿湖池 在府城東六十里深不可測舊傳有白鹿入此故名

青泥池 在楠木山三國志樂進與關羽相距青泥山即此

曲水池 在府城小東門外梁太清間鄧陵王綸守郡雅好賓客樂于詩酒慕王右軍蘭亭流觴曲水之興故效焉

楚賢井 在楠木山下楚宋玉鑿亦名宋玉井宋郡守張孝曾建亭名曰楚賢

煉丹井 在府城東南相傳漢梅福煉丹于此兩河口 在漢江西北八十里

利河口 在縣西北五十里

從家口 即從家廟明崇禎九年八月潰知縣陳志廣築

翟家口 明萬曆癸巳年潰分守道薛三才知府常裕同知孫繼先分築

金港口 接京山界

操家口 明萬曆癸巳年潰薛三才等分築黃家灣 即杜公隄

許家隄

皇清順治十五年九月潰知府馬逢舉等修築康熙元年復潰分守道馮右京等修築

馬家嘴 明萬曆癸巳年潰分守道薛等修築

京山縣

鳳凰山 在縣治南百步許相傳虞帝時有鳳凰集此因名今平衍不類山形但視他處微隆起其上為城隍廟

禪房山 在縣東四十里其上故有禪房院宋程祁嘗遊之有詩以唐詩禪房花木深為韻今

廢 大月山 在縣東五十里望之正圓宵滿月因名

靈濟山 在縣東五十里與大月對峙其上有廟其神靈濟縣東大山盡此

旂山 在縣東北八十里

中盤山 在縣東石徑盤旋若伏虎因名

香山 在縣北八十里高望數百里外西下為竹畝有尚氏先塋

太陽山 即水經註所名去縣北九十里諸峯際空登之則諸山又縈然俯挹其上多猿鹿其陰多黑鉛

花山 相傳靈濟祖師過此百草皆花稍下有天師觀即靈濟道場

大洪山 在縣西北一百二十里周百里餘其南面縣界也水經注所謂在隨郡之西南竟陵之東北者其上多古蹟有寺可容數百僧

摩旗山 在縣西北六十里有觀元揭傒斯盧摯程文海有記遊詩有程文海碑

雞籠山 在縣西北九十里形類雞籠

霍口山 在縣西北一百里有霍姓者居其下因名

虎爪山 在縣西三十里相傳曾有異人驅虎過此土宜治瓦器石灰資一縣

五泉山 在縣西八十里

聊屈山 在縣西九十里杜元凱所名山勢突起綿亙數十里一名盧屈即古聊屈山

沙子山 在縣西一百一十里其上有沙石故名

石符山 在縣西南七十里

磨石山 在縣西南七十里俗傳關將軍過此礮劍

馬鞍山 去縣南二十里形類馬鞍故名

天目山 在縣南三十里有石磴紆折而登上有天目觀

子陵山 在縣南六十里相傳漢嚴子陵嘗隱此

纂子山 在縣南六十里

七寶山 在縣南五十里其上產銅鐵宋嘗于此爐鑄兵器以鑄色雜而止

佛指山 在縣南七十里狀類人指

鴈鳴山 世傳光武夜過此聞鴈聲因名

火門山 在縣南八十里世傳光武夜舉火度此故名唐陸羽廬火門山荆南節度使成汭保火門山皆此

扈家山 在縣西北十五里未有扈姓者居此因名其上有岩野人時獲砲斧之類

聖境山 在縣東北三十里峻聳俯諸山其上多林木前臨溪水有觀據其巔自冬徂春禱祠傾潛景佛號之聲震撼山谷

芭蕉山 在縣北六十里上多芭蕉因名

石人山 在縣東北七十里山腰有石狀類人

張良山 在縣北八里峯巒高峻草木秀美峭壁間有一橫徑多馬跡山下有鐵彈丸如雞卵後人多得之相傳漢張良息馬於此因名

京源山 在縣東北一十里山窟下舊有石刻律詩十首以崖枯草莖瘦水清魚影寒爲韻今爲野火所燬

潼泉山 在縣西六十里以泉出山下故名

城子山 在縣東二十里遺址宛然數年前土人猶掘得窖粟

天門山 卽西龍尾山與火門相對唐皮日休有天门夕照詩

東龍尾山 在縣東南五十里與西龍尾並蜿蜒象龍躍

寶香山 在縣南九十里北盡諸山南望潯河舊傳慈忍過此手焚異香故名

大脊山 去縣西南七十里其上有大人蹟故又云大蹟山

青山 在縣東南百里望之若黛

倪子山 在縣東南四十五里昔有倪姓者居其趾

三州山 在縣南登之可望隨郢復三州故名

惠亭山 去縣一里許善與雲霧每早曉候之得片雲擁其首甘澍立降故有廟相傳宋王安石爲縣尉有惠政後人思之而立廟一名鴨嘴

其上有石肖鴨喙故名富水郡志云嘗竊食復州粟遂鎬其陳山形雖低於張良山而瓊瑰特甚

月掌山 去縣西南八十里而近山形半類月半類人掌

五寶巖 在京山千佛寺之背山有五峯上輕

下軒峻巖峻絕樵人亦時躡之多小石倒縱採作假山巒秀可愛穿洞里許一山蜿蜒東行屈曲相對劃爲兩洞皆透澈山背兩洞之陰有陂諸谷水所會前後悉杭田土人欲灌注則決陂貫北洞而出既足又貫南洞而出牧豎田曳往往行其中以爲常而上又爲大道行旅駐足空中亦異事也

白水巖 在鷄籠山南五里許截山腹而立高千餘丈廣數百步洞壑瑩秀有泉從巖上飛流望之高寒如百尺練

青巖 在太陽山西北有溪水逕其下上多草木蒼壁巖崖如堵瞻遠視之形色正青

觀音巖 在縣東二十里官道旁泉經崖巖分四派下注飛瀑如練澆田數千頃其下石壁峭立殊詭百狀有巖洞數處皆天然刻略加結架便成室屋洞內一石厥狀絕肖觀音喬木叢篁生石罅中葱蒨可愛其最古者紫羅樹一莖大二十餘尺葉如桂朴實赤白相半食之已服疾相傳宋元時物舊有佛舍嘉靖四年御史王秀改建館宇迄今貴客多殯宿於此參議陳良謨於崖端近紫羅樹間置龍吻雕刻如真引泉流注而噴之下承以池池北構亭曰爽心每暑月憩坐珠珠飄忽作雨聲侵人衣裾令有寒色

有使客命曰石中水館後石壁前有坊大書宦遊一快字殊遒勁御史褒善之筆也諸名士至者輒賦詩嘉靖三十九年巡撫劉倫垣其崖端易龍吻而大之其他館宇周牆並加葺飾

皇清順治十五年縣令侯康民建新亭其旁

滴水巖 去縣東北五里其山與京源山並時而崖在其麓劃爲石屋可容數榻前臨溪水亦植花竹之勝舊有道人張慈居之郝楚望過訪扁其洞曰佳士巖因題十韻

扶兒嶺 去縣東北二十里其上多蹲石徑道故仄昔有老父扶兒過此因名

梅花嶺 在縣東五十里

羅漢嶺 在縣北一百里其上平如掌有打毯場及故城壘今有關王廟

關王嶺 在縣治北上平如掌有打毯場及故城壘

聖人嶺 在縣南五十里相傳孔子適楚經此子陵洞 在子陵山半深數丈寬可坐數十人洞盡處有大石方廣五六尺世傳子陵嘗居之又旁有井嘗有一星光芒見於中

空山洞 去縣二十五里山玲瓏通透而洞在山中高廣如數間屋門有石鼓擊之鏗然中有石鏡臺昔有人乘燭入遊約二里許見大河奔湍甚急乃還

仙女洞 在縣東南四十里崑谷競秀泉脉交流峭壁插天水紋紆石如篆洞有三門中有石牀石枕石鏡臺相傳仙姊所遺宋時有道者秉燭入游數日而出卽隨州也後有斷之者卽遇迅雷暴雨不復可入遊者或題長句云粧臺夜月空懸鏡火窖春風不動煙

王莽洞 在縣南五十里洞門南人北出其上

有穴通明可宴百客凡洞皆有沁滴惟此燥潔冬帷帳而臥不異堂室因王莽經此故名

黑龍洞 在京山趙橫洞西南泉自洞中流出外人呼之應聲如在數十步外

聖城洞 去縣西北二十五里趙淳有記

高山洞 去縣東南四十里崇山之間旁有門上有穴方廣數丈向不知名嘉靖戊申有虎從

洞南渡土人遂至南走入此洞逐者以洞外石塞之虎不得出遂刺之洞始著稱

白谷洞 去邑西北五里巖壑天然兩洞嵌空內有鐘乳其天泉自頂上來飛瀑百丈餘匯於

澗河

穿洞 去五寶巖里許一山蜿蜒東行屈曲相對劃為兩洞皆透徹山背長一箭許兩洞之陰

有陂諸谷水所會前後悉杭田土人欲灌注則決陂貫北洞而出既足又貫南洞而出牧豎田

更往往行其中以為常而上又為大道行旅駐足空中而不知亦東北一奇觀也

常家洞 在穿洞東深三丈廣二丈門週清溪有僧數輩就洞架屋為廬

小泉洞 在邑西五十里柳門口內廣敞可容數千人河自內出崇禎九年賊逼南境生員李

應命率土人避於其中賊果不能開積薪厝火黑焉凡在洞中俱斃至千數百人有全宗俱絕

者書之以誌誠

朱家坑洞 嶺峯峻嶮中腹實而空明末乙酉之難自春徂夏合五十里內外之家幾千人避

焉洞壁有詩句漫漶不可讀亦前代避兵處若小泉諸洞上無氣眼後無洞口弗便樵汲青烟

一炬而生靈坐斃矣

老龍洞 在縣北七十里巖高洞敞容數千人水流經其中深遠不可測明末土人避兵于此全活甚衆

撒石坡 去縣五里

鹿角坡 去縣三十里其上多怪石似鹿角隋書地理志京山縣下曰有鹿角今失其處疑即此

大石口 石青色瑩淨可愛作碑礎甚佳

澗水 經縣城南其源出縣西北六十里花石巖谷中富水郡志圖曰回河安陸志曰縣河今

攷鄭道元水經註力口下曰澗水其名始正然謂出西南河地山是指所合諸水而未深考其源耳

又水西北逕堰堤口諸泉入焉又東南逕閭流鋪為閭流河又東南逕橫嶺鋪北為姚家河橫嶺及圓通寺水峽口諸水從南來注之又西得

花苑臺泉其水發縣西北三十里沸湧甚冽流田千頃南流為葉公橋過古文臺東南逕靈覺廢寺合容城河水及西十鋪河水入澗又東會

丁家冲泉泉出縣西北十五里東南流為七里橋河入澗又會五里橋水水出沈家泉逕惠亭山山南北諸水注之又會機坊橋水東為漂絲潭縣舊有緝役明嘉靖初罷又會三女橋水水出縣西北十里馬跑泉富水郡志曰虎跑泉相

傳關將軍於此駐兵乏水土卒渴甚夜有虎跑

哮馬驚跑地因得泉東南流為司戶潭去縣八

里界兩山間深不可測昔有曹司戶者騎兩在

此弗應司戶委身潭中須臾雨降故名又東南

與張良諸泉匯為河逕縣西郊遠澗又東為多

寶鐘潭去縣南里餘深數十尋廣丈餘宋時寺

燬于盜有鐘自烈焰中躍入今河改潭潭又東

過縣城南得會仙橋水發源張良山南流逕多

寶寺下歷縣東門數十許為會仙橋河又數

十步屈於澗又東為二龍潭相傳宋時有兩龍

躍此又東受新兒橋水又東得塌橋水又東南

香山鋪歐家冲諸水從南來注之又東得八里

頭東十鋪諸山泉又東受京源泉出京源山

又東受湯頭泉即一統志溫湯水出縣東南十

五里溫湯可浴氣如硫磺內有小魚游泳其中

流稍遠則冷若寒泉入澗按水經注澗水下云

澗水又東會溫水出竟陵郡新陽縣東口徑三

丈五尺其熱可以燂雞蓋指此水也應城之湯

池在縣東境上熱視此更烈然俱不入澗又東

南龍王冲諸水從南來注澗又東南觀音巖泉

泉出頂南流瀉澗又東南為滾鐘潭縣東南三

十里富水郡志云在李家山後著舊相傳昔有

寺鐘忽自樓出滾入此潭所歷草皆偃生又東

會苦竹泉泉出苦竹山南流為老女河注澗又

東得盧家諸泉同入於澗又東南為三里壩七

里壩水注之又東楊家冲泉從南來注之又東

得石激河水水出雷家冲丁家冲禪房山諸泉

匯爲河富水郡志曰石激今訛石橋流十餘里又曰赤脚湊洩又東得汪家泉於是東流二十里逕景陵縣楊須埠皂角市過五華山歷霄城堰播爲蓄臺湖入河按水經注云洩水東南流注霄城縣大湖又南入干河是曰力口霄城古竟陵隸縣齊以封劉懷珍蕭寶弘梁以封范雲俱爲食邑曰笑城傳呼乖實耳洩陽志曰蓄臺湖達回河入漢回河一日會河即洩下流富水郡志亦以洩爲回河洩與回聲相近但洩陽志謂其河自安陸直河東經皂角市者是以直河爲洩之源誤矣或以洩爲景陵城墮臺河而別列會河不知二水同出而異名不可分言也富水 在縣東北八十里即水經注所謂大富水小富水者也又云俗謂之大泌水又云大富水出太陽之陽南流而左合小富水小富水出山之東屈而西南流右合大富水正符今水道但二水不專出太陽蓋並發大洪山白龍池繞金剛坡分而東西流東流者逕牛角尖過小富街東南逕天生堰堰處四山中無泄處其中多牙牙魚善兒啼人不忍捕恐即山海經所謂人魚爾雅所謂鮒似小兒者也又東南逕查山廟土人云其神三王豈即漢三王之謂耶又東南爲漩潭又南逕賀家堰車灣泉水堰又東南爲獅子壩龍王壩又東南至青礬口與太陽山泉合泉出山頂下注但家冲歷太陽堰折而西南流與東河會即富水矣小富水又東南歷沙子堰雷家港至襄河口而與大富水會西流者

過白巖山東南得潮水泉泉出金子山隱石間日再潮潮則有聲如雷少頃汎濫聲息乃退又東逕黃金窪得其泉水又東南逕霍口及許家山又東過紙廠山中人善造紙又東南過三步嶺又東南逕羅漢嶺俗傳張果曾經此渡其土野人取以造酒可代麴又東南逕五臺山得其水又東爲冷水港又東爲大河頭太陽南谷中水從北來注之陡嶺及草鞋嶺諸水從南來注之故名大河即大富水矣大富水又東西逕潭濱河至雙河口而與小富水會二水既合是曰富水河土人又謂撞河當經雙流交撞也富水東南逕鶴子巖又東南得師故泉泉出山頂飛流聲聞四五里相傳有僧結庵於此坐斃故曰師故又東過石人山又東得新羅泉泉出山中嘗有新羅僧居此語衆欲歸有神止之僧言思鄉中水神指其地泉即湧出僧嘗之味同故鄉僧又言思故鄉魚神復指水得魚魚形皆纖細色斑目赤僧遂不思還又東南得鮑家河水出符驗山又東爲宋家河又東爲龍門潭又東南逕富水寺東寺即富水廢縣水經注所謂富水逕新市縣治者是已又東南過滴水坡有小聚落又東得魚子港水又東逕東嶽觀觀故元時旗山鎮巡簡司今廢又東南與鮮洪港水合水出興陽諸山又東南爲許家壩又東南逕三汊右合石板河石板河即宋石底河河出院山東得長冲諸水又東南逕聖境山得水洋泉泉出山下至天王寺匯爲河東南逕界山坡又東南

得白牛泉石家泉二泉出山中至屈家壩注石底又東南得田家泉又東南逕楊女臺至三汊右合富水以二水交流故號三汊三汊水東南逕七里堰又東南歷應城縣胡城堰又東南過胡壩巡簡司又東南過應城縣治西又東南爲黃家灘至百步口注河

白水 卽昭王所涉成曰也土人謂之曰成河富水郡志謂有鹿湖池在耶屈山之麓其池深不可測相傳昔有白鹿入水歲或乾旱禱之輒應遂封其神龍爲善利公乾道二年郡守王世顯以狀上於朝加封善利顯祐公即此南流得柳門松門二泉又南與溫泉堰水合水出青岡冲又南至廖家嘴右合長灘河逕鶴子口羅家堰大湖口至陸家寨合司馬河水注小河

漢水 過縣界者起舊口驛北瀕縣界東南逕茅草嶺小河口沙洋新城多寶灣丁家河凡九十里許爲潛江縣境又東南至呂家灘逕觀音寺亦瀕縣界凡十里許

三澨水 發磨石山者名司馬河源出仙女洞山泉匯爲河西南得倒灌溪水水出牛筋城北四面俱山略與天生堰同遇水溢則其旁稻田皆沒居民刑羊豕以禱之立涸有人以糠糶投之則出仙女河也仙女河又南逕纂子山得阜錫泉又南得龍泉庵泉出庵後逕西流溉田百畝注仙女河仙女河又南過磨石山屈而西流爲司馬河旁有司馬墓又南逕蒲圻寺又南爲夏洋港逕楊家港至陸家寨合長灘白水名三

汭河注小河此一瀝也馬溪河發源趙橫寺黑龍洞迴而東流灌注甚廣南逕馬頭山臨溪寺又東南爲官橋河又東南爲馬溪河此一瀝也石家河發源空山洞如意寺甘家冲南流爲雙河口爲雷公潭逕白土苑又東南爲石家河此一瀝也合馬溪河至黃土灘並注景陵縣河景陵人亦謂之三汭口通上司馬河名三瀝唐皮日休有二瀝漁歌詩左傳有句瀝瀝瀝瀝瀝瀝瀝或以爲卽此按杜元凱以句瀝爲楚西界漳瀝在漳水邊夫春秋時京山非楚西界漳又在富陽似難強合唯左傳敵與楚戰楚濟漢而陳自小別至於大別而敵兵大敗楚師於清溪又被諸瀝瀝送入郢及敵師還楚左師司馬成亦敗敵師於瀝瀝詳其師行之路似與此合則瀝瀝或三瀝之數也然書言漢過三瀝今三瀝所入特漢之支流何耶蓋禹時初脫沮如漢流猶廣自小河以南通謂之漢矣又漢東諸水可稱者衆而書不言獨稱三瀝何歟蓋水初平時諸水猶未可辨識唯此出叢崖中顯敵易見故特揭之耳

楊家河 去縣百餘里在富水之北水出大洪山黑龍池東南逕隨州刺場入縣界逕平坂市又東南逕號子嶺土人善號歌故名又東南爲翻車潭相傳孔子適楚經此車翻故名又東南逕千鍾堰爲金鍾潭又東南過陳子堰至應城縣南河口左合沮水又東南逕高樓山至劉家隔新河口達河所謂潰口唐人詩曰暮雨不知

潰口處是也按水經注謂富水東流於潰今入潰者楊家河而富水與楊家河絕不相通鄭蓋未之深考矣又文獻通考云京山隋時有漳水今不詳所在惟沈存中筆談云安州有漳水云漳潰合流今楊家與潰合豈通考所指卽此歟

寨子河 出縣西北八十里橫嶺嶺有泉五泓故謂五泉湧如鼎沸灌田甚薄南流匯爲河至聊屈山西北與官橋水合水出路南諸山逕官橋鋪西流逕郢東驛屈而西北注寨子寨子又東南逕聊屈山西南爲長灘河左合白水

小河 漢支流東北入縣界者也逕穴河寺高家洪楊家灣紫荆潭又東爲南河又東南逕拖船埠鯉魚嘴又東南逕青山又東南爲景陵縣魚新河至景陵縣治南謂之義河東南復入漢柳家河 在三瀝東河本在景陵界而發源京山東南三十里湖山寺西北有泉東南流十里許會綠水堰泉泉在兩山中灌田數十頃又東南過泉激寺又東南過師家泉又東南爲雲潭河京山界盡此又東南爲柳家河入風波湖至圓湖口達漢小河北有土橋港水出大脊山東南與珍珠泉合泉出山中沸如珠湧聞人聲愈大民資灌漑

五龍河 在縣東河本在應城界而發源京山東六十里有三水一爲王家泉出大月山東南匯爲寺畷河寺卽舊天王保福院又東爲蘇家河華家河一爲靈濟泉出靈濟山東南匯爲清水塘一爲梅花嶺諸水及盤石寺諸泉匯爲石

滾塘又東南有四龍河與華家河清水塘二水合入應城爲五龍河入三臺湖達漢放唐書地理志富水縣有白沙山在磨旗山後舊引宋志程演職方機要云白沙山卽白沙水所出而水經言江水東得白沙口謂白沙入江處今攸水經注白沙水本在蒲圻江夏間去此數百里沔陽志又言白沙在其州北二里爲宋置玉沙所由得名則知機要誤也又水經攸水註云水出新市縣東北又西南太陽山西南流逕新市縣北又西南而右合枝水今攸攸水本出太洪山西南流合枝水入河鍾祥人謂之直河實不於縣境經過豈古新市疆域固出鍾祥外歟然太陽固今縣山也姑記以俟博物

縣河 在縣治前下流至景陵縣舊臺湖入漢江

撞河 在縣東北八十里舊傳有白龍撞石開此河故名源發隨州洪山白龍池下流至漢川入大江

泗江湖 在小河南去縣一百二十里縣南諸水所聚其中多魚多菱荷東南注於漢口武當口

西陂湖 在小河北去縣百里有楊林湖有布袋湖去縣八十里有古老湖有鸞鶴湖有赤馬野豬湖去縣一百里六湖俱東南入小河

土牆湖 在縣南七十里寶香山畔俗呼呂王城湖側有金雞塚昔有金雞關其上樵牧皆見之

司戶潭 在縣北十里深不可測昔有曹司戶者禱雨於此運其應司戶委身潭中少頃甘澤大沛

滾鐘潭 在縣西南二十五里昔有寺鐘忽自樓出沒入於河所歷處草木皆偃生

多寶鐘潭 在縣南深數十尋方廣丈餘宋時寺爲火所燬有鐘自巨焰中躍入此潭

溫泉 在縣東南十里沸甚可浴其旁舊有振衣亭晏殊類要云冬月有素氣如烟昔有玉女乘車入於此泉

馬跑泉 在縣北十里漢關羽駐兵於此山無水土卒渴甚夜有虎跑哮馬驚跑地因而得泉至今民資灌溉之利旁有卓刀石尚存

五泉 在縣西五十里泉有五穴湧如鼎沸灌田甚溥

新羅泉 在縣北七十里相傳嘗有新羅僧修行於此一日語衆欲歸有神止之僧言思鄉中水神指其地泉即湧出僧嘗之味同故鄉水僧又言思故鄉魚神復指水得魚魚形皆纖細色斑目赤僧遂不復思還其泉溉田民甚便之

潮水泉 在縣北一百餘里泉隱於石一日雨潮潮則有聲如雷水即汎溢俄頃聲息水退珍珠泉 在大嶺山東其水湧出如珠聞人聲其珠愈大愈多泉有五穴湧如沸鼎人至沸止既去復沸

潛江縣 在縣西里許

壽寧山 在縣西里許

潛江 在縣內爾雅水自江出爲沱漢出爲潛今潛江漢水循源而下經本縣界入大江

潛水 卽漢水分流始入曰蘆沱河逕縣界東南流爲上新口下新口入沔陽界又自排沙渡與潛合縣令教鉞所開

沱水 乃江水自郝穴口溢入東北逕二湖之江湖至縣

蘆沱河 在縣東三十里漢水分流處

太平湖 鄭家湖 俱在縣北

青陽湖 在縣西

東白湖 西白湖 陸家湖 俱在縣南

馬市潭 在縣南二里

沱埠淵 在馬市潭北五里

南池 北池 俱在縣東

高氏隄 在縣境內相傳五代時高季昌所築起自縣北祿麻山至縣南沱埠淵延亙一百三十里以障襄漢之水民賴焉

沔陽州

黃蓬山 在州南二百里其山墳起江湖間延綿環結其支山曰香爐山形似香爐故名俗曰望鄉曰石靈曰松林磯曰烏林林俗作陵與江南赤壁對卽周瑜破曹操處也圻曰斑竹統三百餘里週二十里前爲江左爲葛蒲蒲右爲蓬湖上有魯公魯瑒城城外有臺相傳魯肅屯兵於此又有靈福觀崇鳴寺

三陽洞 在州西二里東曰朝陽南曰南陽北

曰水陽故名三陽

大隱林 小隱林 舊志在州南蓋楚漁父釣處也

大江 在州南二百里其源出岷山地志在蜀郡前底道西微外今成都茂州也東別爲沱又東至於澧今澧州江至此凡受水二十詳見水經過九江今洞庭凡受水九故名九江至於東陵逕白螺山南又逕止烏林南東過茅埠口又東過竹林灣又東過新灘水洪二口又東北過池口池水入焉水經注池水通沔陽之太白湖東南通江曰池口又東過漢口與漢水合

襄河 在州西北漢之潛也爾雅漢別出爲潛漢水自安陸東播爲蘆沱河入於潛江東南至於上新口逕鮎魚套逕白汊口逕三江口又自上新播於下新口逕伯口復自柳口折於三江口合流趨於白湖又自柳口東播於蘆蒿汀至直步夏水從西夾注之逕螺子澗逕澄潭東北趨太陽入於襄河又自渣潭東南逕小陽逕張家池逕壩港入陽名湖俱匯於白湖出池口入江漢水又自蘆沱播於排沙逕深江逕到河逕范源關逕栗林逕麻港逕南灣至黃荊口入下帳湖東匯於白湖又自范源南播於劉家渡入於三江口又自栗林口播於蔣家灣逕蓮臺趨太湖口合黃荊口

潛河 自柳口環城西北達於三江口方輿勝覽宋紹興元年省割江陵府潛河晉建武初所鑿自羅堰口出大清河由里社穴池口沔水口

方輿彙編職方典第一千一百三十六卷安陸府部

第一五〇冊 之〇八葉

古

今

圖

書

集

成

卷

八

直通漢江張孝芳記端拱元年閻文通奏開東
漕渠自獅子口入於漢達於襄陽遂發丁夫治
荆南漕河可勝二百石舟上遊之人利焉按故
志潛江有里社穴景陵有獅子河俱通漕河之
名當以此也又晉武初杜預開揚口運零桂之
漕起夏水達巴陵則河之有漕河自預始也
長夏河 在州南四十里即夏水江之沱也爾
雅江出爲沱夏水自監利入東爲太馬長川過
沙口又東北過柴林河至直步與漢水合水經
夏水出江流於江陵東南又東過華容南又東
至雲杜入沔監利古華容也禹貢蔡傳夏水首
出於江尾入於沔亦謂之沱通典復州沔陽有
夏水輿地廣記夏水入沔謂之沱口冬竭夏流
謂之夏水漢志江夏郡註謂夏水過郡入江也
即今漢口然夏水至直步即合漢水不當逆流
至漢口入江若云夏流則盛夏江漲亦可漫衍
而上也沱口今亦失其處豈漢濁易於遂致湮
塞耶又按楚詞過夏首而西浮夏之首也左傳
吳伐楚至於夏汭沈尹射奔命於夏汭遂射以
繁楊之師會夏汭夏之尾也漢以前多言夏言
漢後多言沔漢沔夏一水異名故漢口亦曰夏
口又曰沔口

沔陽之太白湖漢陽志李太白嘗遊於此因名
一曰九真白湖一曰土豬其湖潯自西北注之
西湖李老泗港沙湖諸水匯焉沱自南注之直
步黃蓬陽名諸水匯焉沱之巨壑也遇二百餘
里達於沌口入江故屬沔今半屬漢陽
沙湖 去州二百四十里其湖連太白
陽名湖 去州百七十里其湖受復車河張家
池逕崇陽潭入蘆花漬匯白湖
短汀湖 去州二百六十里受張家壩港接魯
陽潭逕麻汀入白湖
復池湖 在州境後周武帝置復州取此爲名
白鷺湖 在州東一十五里
鼃湖 在州東二十里
黃蓬湖 在州南百八十里其湖納茅埠口許
家池連大舍白螺上洪湖蓮子潭趨復車達新
灘入江亦入白湖江溢則湖洄入漢
千金白螺湖 去州二百里在監利白螺山下
曰塘陵大舍湖
烏流湖 龍巢湖 雲泛湖 三湖皆距州二
百里俱達於白湖
西湖 距州百五十里其湖受燕子河穿柳林
合西洋湖入洪湖運太洪口走黃蓬西之旁曰
鄭道白涉塘潭三湖俱達於洪
司馬小陽湖 距州百三十里其湖合牛頭湖
烏林溝斗口湖逕張家池入陽名湖
直步湖 去州七十里其湖受柳口太馬河逕
明涓口螺子漬逕渣潭李二湖入陽名湖

百石湖 去州西五里其湖中爲長隄爲驛道
五十餘里舊多植柳人馬往來其上亦一景也
俗名中埂知州喬建亭其上匾曰止水今遺址
猶存
三陽湖 去州十里方輿勝覽東曰東陽西曰
西陽北曰北陽故名
角兒湖 去州西南五十里其湖連枯柴湖逕
荻根儲龍潭投下港達柳口
官港湖 去州治四十里
賽港湖 去州治五里
馬骨湖 在州東北三十里
泛有湖 在州東北三十里
奠石湖 去州四十里其湖磬折
上下西湖 在州西北其湖北受到河南出月
湖口入於漢
塘林湖 深水湖 俱去州百四十里
下五湖 去州東南二百八十里
西港湖 鮑公湖 土橋湖 旱潭湖
沉槎湖 澗潭湖 以上諸湖之水俱入於陽
名湖
李老湖 南灣湖 汝灣湖 鷄頭湖
圓昌湖 三墩湖 以上諸湖俱距州治東北
一百三十里其水北流則入於漢東流則入於
白湖
三澧水 在州東南禹貢過三澧左傳有句滋
漳澧雍澧遠澧大率皆水通地名
滄浪水 在州北禹貢東流爲漢又東爲滄浪